

# কুয়েটে বিশ্ববিদ্যালয় দিবস আজ

খুলনা অফিস



বর্ণাঢ্য আয়োজনের মধ্য দিয়ে আজ সোমবার পালিত হচ্ছে খুলনা প্রকৌশল ও প্রযুক্তি বিশ্ববিদ্যালয়ের (কুয়েট) প্রতিষ্ঠাবার্ষিকী ‘বিশ্ববিদ্যালয় দিবস’। প্রতিবছরের মতো এবারও বিভিন্ন কর্মসূচি গ্রহণ করা হয়েছে। এ বছর বিশ্ববিদ্যালয় হিসেবে ২২তম বর্ষ উদযাপন করবে কুয়েট।

অনুষ্ঠানসূচির মধ্যে রয়েছে সকাল সাড়ে ৯টায় বিশ্ববিদ্যালয়ের প্রশাসনিক ভবনের সামনে প্রীতি সমাবেশ, সকাল পৌনে ১০টায় পতাকা উত্তোলন ও বিশ্ববিদ্যালয় দিবস উদ্বোধন, সকাল ১০টা ৫ মিনিটে আনন্দ শোভাযাত্রা (প্রশাসনিক ভবন থেকে শুরু হয়ে ফুলবাড়ী গেট পুলিশ বক্স হয়ে বিশ্ববিদ্যালয়ের অডিটোরিয়াম পর্যন্ত), সকাল পৌনে ১১টায় অডিটোরিয়ামে ‘কুয়েটের অর্জন : অতীত, বর্তমান ও ভবিষ্যৎ’ শীর্ষক পাওয়ার পয়েন্ট প্রেজেন্টেশনসহ বিভিন্ন আয়োজন।

অনুষ্ঠানগুলোতে প্রধান অতিথি হিসেবে উপস্থিত থাকবেন রাজউক

চেয়ারম্যান ও আইইবি প্রেসিডেন্ট ইঞ্জিনিয়ার মো. রিয়াজুল

ইসলাম এবং সভাপতিত্ব করবেন বিশ্ববিদ্যালয়ের উপাচার্য (ভিসি)

অধ্যাপক ড. মো. মাকসুদ হেলালী।